



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Vitebergæ, 1542

VD16 C 4714

Praefatio Ad Caesarem Carolvm V.

urn:nbn:de:hbz:466:1-35748

PRAEFATIO AD CAESAREM
CAROLUM V.



INVICTISSIME Imperator, Caesar Auguste, Domine clementissime. Cū V. C. M. indixerit conuentum Imperij Augustæ, ut deliberetur de auxilijs contra Turcam atrocissimum hereditarium, atq; ueterem Christiani nominis ac religionis hostem, quomodo illius scilicet furori & conatibus, durabili & perpetuo belli apparatu resisti possit. Deinde & de dissensionibus in causa nostræ sanctæ religionis & Christianæ fidei, & ut in hac causa religionis, partiū opinionones, ac sententiæ inter sese, in caritate, lenitate, & mansuetudine mutua audiantur coram, intelligantur & ponderentur, ut illis quæ utrinq; in scripturis secus tractata aut intellecta sunt, sepositis & correctis, res illæ ad unam simplicem ueritatem & Christianam concordiam componantur & reducantur, ut de cætero a nobis una, sincera & uera religio colatur & seruetur, ut quemadmodū sub uno Christo sumus & militamus, Ita in una etiam Ecclesia Christiana, in unitate & concordia uiuere possimus.

Cumq;

AD CAES. CAR.

Cumq; nos infra scripti Elector & Principes,
cum alijs qui nobis coniuncti sunt, perinde ut alij
Electores & Principes & Status ad praefata Co=
mitia euocati simus, ut Caesareo mandato obedi=
ter obsequeremur, mature uenimus Augustam, Et
quod citra iactantiam dictum uolumus inter pri=
mos affuimus.

Cum igitur V. C. M. Electoribus, Principi=
bus & alijs Statibus Imperij, etiam hic Augustae
sub ipsa initia horum Comitiorum inter caetera
proponi fecerit, q; singuli Status Imperij uigore
Caesarei Edicti, suam opinionem & sententiam in
Germanica & Latina lingua proponere debeant
atq; offerre. Et habita deliberatione proxima feria
quarta, rursus responsum est V. C. M. nos proxi=
ma feria sexta Articulos nostrae confessionis pro
nostra parte oblaturus esse. Ideo ut V. M. uolun=
tati obsequamur, offerimus in hac religionis causa
nostrorum Concionatorum, & nostram confesio=
nem, cuiusmodi doctrinam ex scripturis sanctis,
& puro uerbo Dei, hactenus illi in nostris terris,
ducatibus, ditionibus, & urbibus tradiderint, ac
in Ecclesijs tractauerint.

Quod si & caeteri, Electores, Principes, ac
a iiij Status

PRÆFATIO.

Status Imperij, similibus scriptis Latinis scilicet & Germanicis, iuxta prædictam Cesaream propositionem, suas opiniones in hac causa Religionis producerint, hic nos coram V. C. M. tanquam domino nostro clementissimo paratos offerimus, nos cum præfatis Principibus & amicis nostris, de tolerabilibus modis ac uijs amice conferre, ut quantum honeste fieri potest, conueniamus & re inter nos partes, citra odiosam contentionem pacifice agitata, Deo dante, dissensio dirimatur, & ad unam ueram concordem religionem reducatur, Sicut omnes sub uno Christo sumus & militamus, & unum Christum confiteri debemus, iuxta tenorem edicti V. C. M. & omnia ad ueritatem Dei perducantur, id quod ardentissimis uotis a Deo petimus.

Si autem quod ad cæteros Electores, Principes & Status, ut partem alteram attinet, hæc tractatio causæ Religionis, eo modo, quo V. C. M. agendam & tractandam sapienter duxit, scilicet cum tali mutua præsentatione scriptorum, ac sedata collatione inter nos non processerit, nec aliquo fructu facta fuerit, nos quidem testatum clare relinquimus, hic nihil nos quod ad Christianam concordiam (quæ cum Deo & bona conscientia fieri

AD CAES. CAR.

fieri possit) conciliandam conducere queat, ullo modo detrectare. Quemadmodum & V. C. M. deinde & ceteri Electores, & Status Imperij, & omnes, quicumq; sincero religionis amore ac studio tenentur, quicumq; hanc causam equo animo audituri sunt, ex hac nostra & nostrorum confessione hoc clementer cognoscere & intelligere dignabuntur.

Cum etiam V. C. M. Electoribus, Principibus, & reliquis Statibus Imperij non una uice, sed sepe clementer significauerit, & in Comitibus Spirensibus, quae Anno Domini &c. XXVI. habita sunt, ex data & praescripta forma uestrae Caesareae instructionis & commissionis recitari, & publice praelegi fecerit. Vestram M. in hoc negotio religionis ex causis certis, quae V. M. nomine allegatae sunt, non uelle quicquam determinare nec concludere posse, sed apud Pontificem Romanum pro officio V. C. M. diligenter daturam operam de congregando Concilio generali. Quemadmodum idem latius expositum est ante annum, in publico proximo conuentu, qui Spira congregatus fuit. Vbi V. C. M. per dominum Ferdinandum, Boemiae & Vngariae Regem, amicum & dominum nostrum clementem, Deinde per Oratorem, & Commissarios Caesarios,

d v hęc

PRÆFATIO.

hæc inter cætera proponi fecit, quod V. C. M. intellexisset & expendisset Locum tenentis. V. C. M. in imperio, & præsentis & consiliariorum in Regimine & Legatorum ab alijs Statibus, qui Ratisponæ conuenerant, deliberationem de Concilio congregando. Et quod iudicaret etiam V. C. M. utile esse, ut congregaretur Concilium, Et quia causæ, quæ tum tractabantur inter V. C. M. & Ro. Pontificem, uicinæ essent concordie & Christiane reconciliationi, non dubitaret V. C. M. quin Roma. Pontifex adduci posset ad habendum generale Concilium, Ideo significabat se V. C. M. operam daturam, ut præfatus Ponti. maximus una cū V. C. M. tale generale Concilium, primo quoq; tempore emissis literis publicandum congregare consentiret.

In euentum ergo talem quod in causa religionis, dissensiones inter nos & partes amice, & in caritate non fuerint compositæ, tunc coram V. C. M. hic in omni obedientia nos offerimus, ex superabundanti comparituros & causam dicturos, in tali generali libero & Christiano Concilio, de quo congregando in omnibus Comitibus Imperialibus, quæ quidem annis Imperij V. C. M. habita sunt per Electores, Principes, & reliquos Status Imperij,

AD CAES. CAR.

perij, semper concorditer actum, & congruentibus suffragijs conclusum est. Ad cuius etiam generalis Concilij conuentum, simul & ad V. C. M. in hac longe maxima & grauisima causa, iam ante etiam debito modo & in forma iuris prouocauimus & appellauimus. Cui appellationi ad V. C. M. simul & Concilium adhuc adheremus, neque eam per hunc uel alium tractatum (nisi causa inter nos & partes, iuxta tenorem Caesareae proxima Citationis amice in caritate composita, sedata, & ad Christianam concordiam reducta fuerit) deserere intendimus aut possumus, De quo hic etiam solenniter & publice protestamur.

ARTICVLI FIDEI PRAECIPVI.

I.

ECclesiae magno consensu apud nos docent, Decretum Nicenae Synodi, de unitate essentiae diuinae, & de tribus personis uerum & sine ulla dubitatione credendum esse. Videlicet quod sit una essentia diuina, quae & appellatur & est Deus, aeternus, incorporeus, impartibilis, immensa potentia, sapientia, bonitate, creator & conseruator omnium